



Broj: 01/7-50-1-45/3/07
Sarajevo, 8.2.2007.

**PREDSTAVNIČKOM DOMU
PARLAMENTARNE SKUPŠTINE BIH**

Na osnovu člana 46 a. stav (1) Poslovnika Predstavničkog doma Parlamentarne skupštine BiH ("Službeni glasnik BiH", broj: 33/06, 41/06 i 81/06), Komisija za pripremu izbora Vijeća ministara BiH Predstavničkom domu Parlamentarne skupštine BiH dostavlja sljedeće:

М И Š Л Ј Е Н Ј Е
**o podobnosti imenovanih ministara i zamjenika ministara
za obavljanje dužnosti u Vijeću ministara Bosne i Hercegovine**

Komisija za pripremu izbora Vijeća ministara BiH Predstavničkog doma Parlamentarne skupštine BiH, na 3. sjednici, održanoj 6., 7. i 8. februara 2007., u postupku potvrđivanja, razmatrala je Odluku predsjedavajućeg Vijeća ministara BiH Nikole Špirića o imenovanju zamjenika predsjedavajućeg, ministara i zamjenika ministara Vijeća ministara BiH.

Predsjedavajući Vijeća ministara BiH je 1.2.2007. godine dostavio Komisiji za pripremu izbora Vijeća ministara BiH listu od 17 kandidata za ministre i zamjenike ministara u Vijeću ministara BiH.

Uz listu su dostavljeni i sljedeći materijali:

- Potpisane izjave kandidata (u skladu sa članom 10d. stav 1. tačka a) alineje od 1) do 6) Zakona o Vijeću ministara BiH;
- Službene potvrde Centralne izborne komisije BiH i
- Konačne izvještaje Državne agencije za istrage i zaštitu BiH – SIPE.

Na 3. sjednici, održanoj 6.2.2007., raspravljajući o dostavljenim materijalima, Komisija je uočila određene nepreciznosti u dizajnu obrazaca sa podacima kandidata. Komisija je zaključila da je moguće različito razumijevanje nekih pitanja, a prije svih podataka iz Poglavlja V koji se odnose na imovinsko stanje, te je zaključila da skrene pažnju da je, u skladu sa članom 10d. stav 1. tačka a) alineja 5) Zakona o Vijeću ministara Bosne i Hercegovine ("Službeni glasnik BiH", broj: 30/03, 42/03 i 81/06), obavezno u obrazac unijeti podatke o finansijskim sredstvima i interesima, podrazumijevajući pod tim štednju i sve druge finansijske interese u zemlji i inozemstvu. Za dostavljanje ovih podataka Komisija je odredila rok do 12,00 sati u četvrtak 8.2.2007. godine.

Zatim su, u skladu sa članom 46 b. Poslovnika Predstavničkog doma Parlamentarne skupštine BiH, na sjednicu pozivana lica imenovana na pozicije ministara i zamjenika ministara u Vijeću ministara BiH radi odgovaranja na pitanja članova Komisije.

Prvi je pristupio **Sredoje Nović, ministar civilnih poslova.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

I/1. Komisija je većinom glasova, sa sedam glasova "za" i dva glasa "protiv", utvrdila da **Sredoje Nović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra civilnih poslova u Vijeću ministara BiH. Protiv su glasali članovi Komisije Zlatko Lagumdžija i Sefer Halilović, koji su na poziv predsjedavajućeg da u skladu sa Poslovníkom obrazlože razloge glasanja protiv izjavili da će to učiniti naknadno.

I/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Sredoja Novića** za ministra civilnih poslova u Vijeću ministara Bosne i Hercegovine.

Zatim je pristupio **Dragan Vrankić, ministar finansija i trezora.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

II/1. Komisija je većinom glasova, sa šest glasova "za", dva glasa "protiv" i jednim glasom "suzdržan", utvrdila da **Dragan Vrankić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra finansija i trezora u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

II/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Dragana Vrankića** za ministra finansija i trezora u Vijeću ministara Bosne i Hercegovine.

Zatim je pristupio **Fuad Kasumović, zamjenik ministra finansija i trezora.**

Nakon uvida u pristigle materijale, provedene rasprave i nakon što je imenovani zamjenik ministra odgovarao na pitanja članova Komisije:

III/1. Komisija je većinom glasova, s pet glasova "za" i četiri glasa "protiv", utvrdila da **Fuad Kasumović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra finansija i trezora u Vijeću ministara BiH. Protiv su glasali članovi Komisije: Hadži Jovan Mitrović, Zlatko Lagumdžija, Mirko Okolić i Sefer Halilović.

III/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Fuada Kasumovića** za zamjenika ministra finansija i trezora u Vijeću ministara Bosne i Hercegovine.

Zatim je pristupila **Marina Pendeš, zamjenik ministra odbrane za upravljanje resursima.**

Nakon uvida u pristigle materijale, provedene rasprave i nakon što je imenovana na poziciju zamjenika ministra odgovarala na pitanja članova Komisije:

IV/1. Komisija je većinom glasova, s četiri glasa "za" i tri glasa "protiv", utvrdila da **Marina Pendeš** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra odbrane za upravljanje resursima u Vijeću ministara BiH. Protiv su glasali članovi Komisije: Hadži Jovan Mitrović, Zlatko Lagumdžija i Sefer Halilović.

IV/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Marine Pendeš** za zamjenika ministra odbrane za upravljanje resursima u Vijeću ministara Bosne i Hercegovine.

Zatim je pristupio **Safet Halilović, ministar za ljudska prava i izbjeglice.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

V/1. Komisija je većinom glasova, s pet glasova "za", dva glasa "protiv" i jednim "uzdržanim", utvrdila da **Safet Halilović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra za ljudska prava i izbjeglice u Vijeću ministara BiH. Protiv su glasali članovi Komisije Sefer Halilović i Zlatko Lagumdžija.

V/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Safeta Halilovića** za ministra za ljudska prava i izbjeglice u Vijeću ministara Bosne i Hercegovine.

Zatim je pristupio **Slavko Marin, zamjenik ministra za ljudska prava i izbjeglice.**

Nakon uvida u pristigle materijale, provedene rasprave i nakon što je imenovani zamjenik ministra odgovarao na pitanja članova Komisije:

VI/1. Komisija je većinom glasova, s četiri glasa "za", jednim glasom "protiv" i dva "suzdržana", utvrdila da **Slavko Marin** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra za ljudska prava i izbjeglice u Vijeću ministara BiH. Protiv je glasao član Komisije Sefer Halilović.

VI/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Slavka Marina** za zamjenika ministra za ljudska prava i izbjeglice u Vijeću ministara Bosne i Hercegovine.

Na prvom nastavku 3. sjednice Komisije, održanom 7.2.2007., nastavljen je rad.

Prvi je pristupio **Bariša Čolak, ministar pravde.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

VII/1. Komisija je većinom glasova, s osam glasova "za", dva glasa "protiv" i jednim glasom "suzdržan", utvrdila da **Bariša Čolak** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra pravde u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

VII/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Bariše Čolaka** za ministra pravde u Vijeću ministara Bosne i Hercegovine.

Zatim je pristupio **Srdan Arnaut, zamjenik ministra pravde.**

Nakon uvida u pristigle materijale, provedene rasprave i nakon što je imenovani zamjenik ministra odgovarao na pitanja članova Komisije:

VIII/1. Komisija je većinom glasova, s osam glasova "za", bez glasova "protiv" i jednim glasom "suzdržan", utvrdila da **Srdan Arnaut** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra pravde u Vijeću ministara BiH.

VIII/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Srdana Arnauta** za zamjenika ministra pravde u Vijeću ministara Bosne i Hercegovine.

Zatim je pristupio **Tarik Sadović, ministar sigurnosti.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

IX/1. Komisija je većinom glasova, sa sedam glasova "za", dva glasa "protiv" i dva "suzdržana", utvrdila da **Tarik Sadović** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra sigurnosti u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

IX/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Tarika Sadovića** za ministra sigurnosti u Vijeću ministara Bosne i Hercegovine.

Zatim je pristupio **Mijo Krešić, zamjenik ministra sigurnosti.**

Nakon uvida u pristigle materijale, provedene rasprave i nakon što je imenovani zamjenik ministra odgovarao na pitanja članova Komisije:

X/1. Komisija je većinom glasova, sa šest glasova "za", jednim glasom "protiv" i dva "suzdržana", utvrdila da **Mijo Krešić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra sigurnosti u Vijeću ministara BiH. Protiv je glasao član Komisije Hadži Jovan Mitrović.

X/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Mije Krešića** za zamjenika ministra sigurnosti u Vijeću ministara Bosne i Hercegovine.

Zatim je pristupio **Slobodan Puhalc, ministar vanjske trgovine i ekonomskih odnosa.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

XI/1. Komisija je većinom glasova, s osam glasova "za" i dva glasa "protiv", utvrdila da **Slobodan Puhalc** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra vanjske trgovine i ekonomskih odnosa u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

XI/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Slobodana Puhalca** za ministra vanjske trgovine i ekonomskih odnosa u Vijeću ministara Bosne i Hercegovine.

Zatim je pristupio **Vilim Primorac, zamjenik ministra vanjske trgovine i ekonomskih odnosa.**

Nakon uvida u pristigle materijale, provedene rasprave i nakon što je imenovani zamjenik ministra odgovarao na pitanja članova Komisije:

XII/1. Komisija je većinom glasova, sa šest glasova "za", dva glasa "protiv" i jednim glasom "suzdržan", utvrdila da **Vilim Primorac** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra vanjske trgovine i ekonomskih odnosa u Vijeću ministara BiH. Protiv su glasali članovi Komisije Zlatko Lagumdžija i Sefer Halilović.

XII/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Vilima Primorca** za zamjenika ministra vanjske trgovine i ekonomskih odnosa u Vijeću ministara Bosne i Hercegovine.

Zatim je pristupio **Božo Ljubić, ministar komunikacija i prometa.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

XIII/1. Komisija je većinom glasova, s devet glasova "za", bez glasova "protiv" i jednim glasom "suzdržan", utvrdila da **Božo Ljubić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra komunikacija i prometa u Vijeću ministara BiH.

XIII/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Bože Ljubića** za ministra komunikacija i prometa u Vijeću ministara Bosne i Hercegovine.

Na drugom nastavku 3. sjednice Komisije, održanom 8.2.2007., nastavljen je rad.

Pristupio je **Sven Alkalaj, ministar vanjskih poslova.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

XIV/1. Komisija je većinom glasova, sa devet glasova "za", bez glasova "protiv" i jednim "suzdržanim" utvrdila da **Sven Alkalaj** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost ministra vanjskih poslova u Vijeću ministara BiH.

XIV/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Svena Alkalaja** za ministra vanjskih poslova u Vijeću ministara Bosne i Hercegovine.

Zatim je pristupila **Ana Trišić-Babić, zamjenik ministra vanjskih poslova.**

Nakon uvida u pristigle materijale, provedene rasprave i nakon što je imenovana na poziciju zamjenika ministra odgovarala na pitanja članova Komisije:

XV/1. Komisija je jednoglasno, sa devet glasova "za" utvrdila da **Ana Trišić-Babić** ispunjava sve uslove propisane Zakonom o Vijeću ministara BiH i Poslovníkom Predstavničkog doma Parlamentarne skupštine BiH za imenovanje na dužnost zamjenika ministra vanjskih poslova u Vijeću ministara BiH.

XV/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Ane Trišić-Babić** za zamjenika ministra vanjskih poslova u Vijeću ministara Bosne i Hercegovine.

Na kraju je pristupio **Selmo Cikotić, ministar odbrane.**

Nakon uvida u pristigle materijale, provedene rasprave i nakon što je imenovani ministar odgovarao na pitanja članova Komisije:

XVI/1. Komisija je većinom glasova, sa šest glasova "za", jednim glasom "protiv" i jednim "suzdržanim", utvrdila da **Selmo Cikotić** ispunjava sve uslove propisane Zakonom o Vijeću ministara BiH i Poslovníkom

Predstavničkog doma Parlamentarne skupštine BiH za imenovanje na dužnost ministra odbrane u Vijeću ministara BiH. Protiv je glasao član Komisije Hadži Jovan Mitrović.

XVI/2. Komisija preporučuje Predstavničkom domu Parlamentarne skupštine Bosne i Hercegovine da potvrdi imenovanje **Selme Cikotića** za ministra odbrane u Vijeću ministara Bosne i Hercegovine.

Članovi Komisije koji su glasali protiv potvrđivanja pojedinih ministara ili zamjenika ministara su pozvani da daju obrazloženje takvog stava.

Zlatko Lagumdžija je na početku drugog nastavka 3. sjednice izjavio da u znak protesta na, od strane Kolegija u proširenom sastavu, predloženo članstvu u komisijama Predstavničkog doma, a prije svega činjenicu da Klubu SDP, četvrtom po brojnosti poslanika, nije omogućeno da ima predstavnika u Ustavno-pravnoj komisiji Predstavničkog doma, napušta sjednicu Komisije za pripremu izbora članova Vijeća ministara BiH i u znak protesta odbija priložiti pripremljeno pismeno obrazloženje svojih razloga za glasanje protiv podrške na sjednicama ove Komisije.

Sefer Halilović je izjavio da je glasao protiv zbog neprincipijalne koalicije na kojoj je formirana vlast u Bosni i Hercegovini.

Mirko Okolić je izjavio da će na sjednici Predstavničkog doma iznijeti svoje razloge za glasanje protiv.

Hadži Jovan Mitrović je u priloženoj pismenoj izjavi istakao da je za tri zamjenika ministra i jednog ministra glasao protiv iz razloga što se radi o licima koja su direktni učesnici u ratu 92. – 95. god. i da ta lica ne mogu odgovoriti zadatku na datim pozicijama u budućim značajnim reformama za koje je neophodno dosta kompromisa, kako bi se došlo do funkcionalne države na zadovoljstvo sva tri naroda

Cijeneći navedeno, Komisija konstatira da su svi imenovani ministri i zamjenici ministara u Vijeću ministara BiH dobili podršku za imenovanje, što znači da se to odnosi i na imenovanje dva zamjenika predsjedavajućeg Vijeća ministara BiH.

Za izvjestioca na sjednici Predstavničkog doma imenuje se predsjedavajući Komisije Halid Genjac.

PREDSJEDAVAJUĆI KOMISIJE
Halid Genjac